



15. februar 2019

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Akiliut atorlugu aningaasartuutit, ilassinninnermut aningaasartuutit kiisalu angalanermut aningaasartuutit ilassutitallit Naalackersuisutut sulinermut atatillugu aningaasartuutit qaammatit pingasukkaarlugit tamanut takusassiarisalnissaat anguniarlugu Naalackersuisut siunnersuusioqqullugit peqquneqarnissaannik Inatsisartut aalajangiiffigisassaattut siunnersuut.

Siunnersuut saqqummiunneqassaaq UPA2020-mi.

(Inatsisartunut ilaasortaq Tillie Martinussen, Suleqatigiissitsisut)

Tunngavilersuut:

Uani siunnersuummi siunertaavoq inatsimmik tunngaveqarluni, taamaasilluni nammineq piumassutsik tunngaveqarani, Naalackersuisut qaammatit pingasukkaarlugit aniungaasartuutinik saqqummiuissalissasut.

Suleqatigiissitsisuni isumaqarpugut innuttaasup kialluunniit takusinnaasariaqaraa aamma tamakkiisumik ammasumik, innuttaasut aningaasaataat sumut atorneqartarnersut, Naalackersuisuni, Inatsisartuni taamatullu kommunini. Demokrati tunngavigalugu tamanna pisinnaatitaaffiuvoq aamma sapinngisamik ajornaannerpaamik tamanna pisariaqarpoq. Tamanna pitsaanerpaamik qularnaarneqarsinnaavoq aningaasat atorneqarnerat pillugu suna tamarmi ammasumik ingerlanneqartuuppat.

Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaanni nr. 9-nu , 13. juni 1994-imeersumi allassimangilaq pineqartut saqqummiunneqarsinnaasut, taamaattumik manna siunnersuut ilapittuutaavoq pitsak immikkoortumi inatsimmut qanganitsersimasumut.

Aamma siunnersuummi pineqartumi allassimavoq, Naalackersuisut ilaannikkut paasitinneqarumalluni kissaatit itigartittarsinnaagaat, Suleqatigiissitsisunilu isumaqarpugut tamanna tunngavimmigut ajortoq. Akileraartartut aningaasaataat Naalackersuisunut, Inatsisartunut kommuninullu innuttaasunit aqutassanngortinneqartut pilugit sunnguamilluunniit isertuussisoqartariaqanngilaq.

Isertorneqassanngilaq nuanniitsunik pisoqartarnikummat akileraartartut aningaasaataannik atuineq eqqarsaatigalugu, taakkulu allaanerusumik atorneqarsimanissaat innuttaasut kissaatigisimassaqqooqaat. Innuttaasut takusinnaasariaqarfaat akileraarutitik sumut atorneqartarnersut.

Inatsimmimi pineqartumi Naalackersuisut tusatsiakkanut pilersinnaasunut illersorneqarput aamma qularnaarneqarpoq Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaata allamut sangutinneqannginnissaa, tamannalu pillugu atorfillit taamatullu pissaanermik tigumminnittartut nikittaattut pikkorissarfigisariaqarfaat.

Matuma siunnersuutip akuerineratigut qularnaarneqassaaq ilanngussat attuumassuteqartut qarasaasiakkut saqqummiunneqartalnissaat kikkunnit tamanit takuneqarsinnaallutik, inatsisiliortunit, tusagassiutinit aamma kikkunnilluunniit allanit.

Soorunami Naalackersuisutta nunarput pitsaasumik sinnerlugu sulisinnaasariaqarput, aamma atorfitsinik naapertuuttumik ingerlallugu taamatullu nunarsuarmioqatigiit ataatsimiinneranni peqataasinnaasallutik, suliassaminnullu ingerlatsinerminni aningaasartuutitik matussusertittassallugit ilaalu ilanngullugit.

Naalackersuisut nunarput sinnerlugu sulisinnaasariaqarput pitsaasumik.

Taamatut ammasuunissamat inatsisiliorutta atorfillit allattugaatinik paasiniaasunik suliaqassaassagaluarpud aamma qanoq pisoqarsimasinnaaneranut tusatsiakkanullu piffissaajartarunnaassagaluarpugut kukkunerillu piffissaagallartillugu nassaarisarlugit.

Atorfillit qaammammoortumik naligiissarinnermik suliaqartareerput, ilanngussat assilineqartarput aamma angalasiernerit naatsorsuusiunneqartarput taamatullu ilassininnermut atorsimasat naligiissarneqartarput aamma nittartakkap nutarterneqartarnera imatut immikkut suliakkersuutaasutut isiginngilarput.

Taamaattumik imatut akeqartussaangilaq pilersinneqassaarli ammanerusumik ingerlatsilerneq kinguneranillu kukkunerusinnaasut nassaaripallanneqartalissapput taamatullu atuivallaartoorsimerit. Taamaattumik oqartussaaffiit tamarmik pineqartoq iluaqutissarsivigiinnartussaavaat.

Taamaattumi suleqatigiissitsisuni siunnersuutigaarput Pisortat ingerlatsinerat pillugu paasitinneqarsinnaatitaaneq pillugu Inatsisartut inatsisaata oqaasertai ilaneqassasut, inatsisinnorlugu tamakkiisumik ammasumik ingerlatsinissap qularnaarneqarnissaa pineqartillugu Naalakkersuisut atorfimminnut atatillugu atuisarnerat.

Ilassusiinikkut qularnaarneqassaaq, inatsisinnortitsinissaaq, nammineq aalajangingassaajunnaarluni Naalakkersuisut qaammammut aningaasartuutiminnik saqqummiusserusunnersut kiisalu qularnaarneqassaaq pineqartup aalajangersimasumik Naalakkersuisut Suleriaasiannut ilaalernissaa, taamaasilluni iluarisaannarmik pinissaq pininnaajunnaarlugu, inatsisinnorluguli ilanngullugu. Taamatut oqaaseqarluta siunnersuut pillugu pitsaasumik oqallittoqarnissaanut qilanaarpugut aamma pineqartoq pillugu partiit isummersuutaasa tusarnissaannut qilanaarpugut.

Aningaasarsiornikkut allaffissornikkullu namminersorlutik inuutissarsiortunut kingunissai.

Naatsorsuutigineqassaaq siunnersuutip saqqummiunneranut atatillugu allaffissornikkut aningaasartuuteqartoqarnissaa. Taakku tagginneqarput ilinniagartuup ukiup affaani sulinerani aningaasartuutitut amerlatigigajassasut. Tamatuma qaavatigut aningaasartuuteqartoqassaaq inatsisip atortussannortinneqarneranut.

Nittartakkamik pilersitsisoqarnissaa naatsorsuutigineqassaaq taamatullu illup iluani periusissat aamma taakku ilinniagartuup ukiup affaani sulinerani aningaasartuutitut amerlatigissapput. Taggipparali suliaq tamakkerluni ilinniagartuup ukiup affaani sulinerani aningaasartuutinit annerunavianngitsut, naleqassallutik 250.000 koruunik, ataasiarluni aningaasartuutigineqartussat.

Ingerlatsineranut nittartakkallu ingerlaavartumik nutartertarnissaanut naalakkersuisoqarfiup aningaasartuutigissavai ilinniagartuup ukiup affaani sulinermini aningaasarsiaaut amerlatigisut, tassa 250.000 koruunit.

Tamanut saqqummiunneqartut pillugit apersuinerit amerleriarnissaat naatsorsuutigineqassaaq suliaq tamanut saqqummiunneqarpat, qularnangilarli piffissaq ingerlareersimalerpat alutorineqarnera apparipat saaffiginnissutaasartut ikiliumaartut. Allattugaatinik takujumalluni qinnuteqaatit piffissap qaninnerusoq isigalugu ikileriasaqqooqaat siunnersuut pissutaalluni tamatumali kingunerissavaa allaffissornermut aningaasartuutitigut siparnerusoqalernerat.

Aningaasarsiornikkut allaffissornikkullu namminersorlutik inuutissarsiortunut kingunissai.

Soqanngilaq.

Aningaasatigut allaffissornikkullu innuttaasunut kingunissai.

Soqanngilaq